

欽定剿平三省邪匪方略

欽定剿平三省邪匪方畧正編卷五十七

丁巳年

十一月二十二日

丁亥

宜綿奏言查王三槐羅其

清等連次攻撲蚊蟲溪糧臺經官兵擊退分屯

永興場三滙場等處十月二十八日賊匪分股

窺伺渠縣大竹蓬州三處交界之柏林口卡隘

復經派駐該處之叅將尤漢玉會同署大竹縣

知縣張位中率領兵勇堵剿斃賊二百餘人匪

衆敗逃同日並有賊匪在渠縣所屬李渡河一帶焚掠該縣倪鼎銓哨探賊蹤距城僅十餘里遂將守城事宜布置嚴密率同典史陳啟泰各帶精壯鄉勇分爲兩路行抵王家嘴地方卽遇賊匪數千搖旗吶喊而來倪鼎銓陳啟泰鼓勵鄉勇併力剿殺斃賊二百餘名生擒二十三名內有騎馬之賊陳正洪毛俸貴二名訊據供稱

俱係王三槐手下賊目派令黨與二千先來攻城當卽正法詎王三槐等見前隊賊匪已敗復於二十九日率領大夥黨與由三匯場一路接應倪鼎銓等帶領鄉勇分投堵禦相持不退維時索費英阿由靜邊寺帶兵趕到奮勇截殺兩路夾攻又斃賊四五百名匪衆不敢竟犯縣治遂向望溪一帶奔潰其永興場賊匪卽係羅其

清冉文雋一股經

臣

派令叅將趙宗濬等帶領

官兵於三十初一日由蚊蟲溪一路向前攻剿賊匪不能與王三槐等竄聚一處仍由鐵釘埡張家場等處折回適值知州劉清帶領鄉勇趕至鐵釘埡出其不意痛加截殺斃賊二百餘名生擒二十九名均於臨陣梟示匪衆卽屯三溪口譚家嶺等處初六日劉清復率鄉勇首行

營千總桂涵武生冉子明等分爲三路併力攻
擊自卯至酉殲賊五百餘人生擒四十三名賊
匪不能屯紮遂竄至巴州所屬之碾盤壩靈剛
寺一帶盤距至白岩山一路現接舒亮穆克登
阿知會賊匪因各路營卡愈逼愈緊絕其攜糧
之路於二十九日率衆二三千人欲由橫溪子
楊家灘兩處乘霧偷渡經副將王承勲遊擊李

芝榮等督率兵勇排列河岸施放鎗礮賊匪不能徑渡旋於三十日分股衝突西山坪一帶營卡紐舒亮穆克登阿督率翼長富保叅將魏攀舉烏爾卿額等分投堵剿斃賊四五百人兵勇亦有傷損護軍校德克登布藍翎長巴凌阿經制外委田增福均因殺賊陣亡初一初二等日復有賊匪攻撲金風觀營卡經叅領岱德知府

朱爾漢督率兵勇堵剿斃賊多名賊匪因各路
圍堵嚴密傾巢而出捨命狠闖岱德朱爾漢等
身先士卒鏖戰多時自午至酉殺賊三四百名
岱德朱爾漢皆手殺數賊經歷張伯魁亦射死
一賊均受石傷知縣陸維基王世燾亦經受傷
義首田雲漢陣亡正在相持急迫之際適副將
達桑阿帶兵趕到截殺賊始敗回

臣

查王三槐

等一股現在竄至渠縣所屬望溪一帶該處與
廣安州並大竹隣水兩縣犬牙相錯道路叢雜

臣

復飛飭百祥等倍道趕赴渠縣會同索費英

阿跟蹤追剿並派尤漢玉等帶兵一千名由柏
林口繞赴大竹縣屬紅春壩一帶兜剿又查保
興所帶河州生力官兵八百名已抵營山隨飭
就近馳往廣安州並飭朱射斗抽帶各路防兵

繼進策應其羅其清一股現在屯紮碾盤壩靈
剛寺等處自應乘賊勢已分趕緊剿辦該處現
有劉清帶領鄉勇設法圍堵並嚴飭富爾賽將
營蓬一帶餘匪搜捕淨盡卽行帶兵前赴靈剛
寺一路上緊擒捕

宜綿又奏言據署萬縣知縣劉大經訪得萬縣
梁山交界之黃泥塘寶蓮寺等處有匪徒製造

刀矛潛謀起事附近居民聞風遷避

臣

查該處

與白岩山切近設或再有勾結更形滋蔓隨飛

派知府吳桂酌帶兵勇馳往督同該地方官慎

密查拏旋據稟報劉大經及梁山縣知縣方積

因聞該匪等有十月二十八日起事之信遂各

選帶鄉勇於二十七日趕至寶蓮寺會同查拏

該匪等相率驚竄經劉大經方積督率鄉勇實

力搜捕擒獲五十六名並起出刀矛鳥鎗火藥
等件適吳桂趕到提犯研訊據向明先凌漢連
供係湖南武陵縣人王正文勸入邪教輾轉傳
習正在商議起事卽被拏獲等語隨經劉大經
同梁萬營千總白連陞萬縣典史曾興臣購線
將傳教之王正文一併擒拏又搜獲餘匪二十
六名一併交與吳桂等嚴訊辦理

同日明亮德楞泰惠齡恒瑞慶成奏言查首逆姚之富李全齊王氏高均德等合夥西奔遁入漢中南岸山內自黃官嶺至新集連營二十餘里漢中以西至沔縣寧羌一帶爲漢江發源之所江而不寬現屆冬令水勢日涸可以洶渡之處甚多該匪逐日在沿江窺伺總思乘間北渡而北岸長寨新街子黃沙鋪舊州鋪各隘口近

接郡城北達褒城均關緊要臣恒瑞慶成先帶

兵在黃沙鋪扼要堵截臣明亮德楞泰惠齡因

追捕首逆將鍋帳馱驛留後星夜遄行初八日

亦抵漢中察探情形公同商酌必須將官兵由

南北岸兩路前進庶夾攻截剿均爲得力是以

臣惠齡同臣富成當卽帶兵渡過北岸於長寨

地方堵截與臣恒瑞慶成等互爲聲援臣明亮

德楞泰帶兵於南岸油坊街一帶相機進發正在會商剿辦賊人益加情急思竄初十日乘天色未明大駁由元子山衝出江岸一股向新街子一路撲渡一股向長泰一路撲渡臣等彼此

接據探報遂各路整兵進擊臣恆瑞慶成率領

官兵在新街子沿江一帶路口設伏賊人騎馬者先行偷渡步賊隨後官兵誘賊將至半渡臣

恒瑞慶成率同觀祥等帶領馬兵衝至江岸奮
勇壓擊斃賊無數侍衛保邦首先迎住賊隊射
殺戴紅頂花翎賊目一名驍騎校承書千總祝
成龍把總溫起龍俱奮勇涉水爭先手刃斃賊
生擒十數人奪獲馬數十匹後隊步賊復蜂擁
而至有執刀矛直前抗拒者有背負行李互相
牽掖四處奔渡者

臣

恒瑞慶成飭步兵排列岸

口截殺施放連環轟擊賊人退而復上者數次
俱被官兵擊退共又殲戮賊匪七八百名生擒
龔玉等六十一名其搶渡長寨一股賊匪以該
處江狹水淺一湧直前臣惠齡先已飭令衆兵
斫削尖利竹籤於江岸水底層密排插該匪人
馬猛進俱爲竹籤所傷截斃百餘名生擒數十
名後隊之賊仍分股從兩旁奔渡臣惠齡同富

成穆維等率領兵勇競進剿殺復斃賊二百餘

名生擒劉復等二十九名其時臣明亮率同阿

哈保達音泰長春巴圖魯侍衛富僧德等帶兵

由南岸高臺寺葛家灘沿江一路兜擊臣德楞

泰率同興肇寶冲阿巴圖魯侍衛達爾精阿等

由南岸沿江上水渡一路進剿賊人狡詐異常

分兩股向新街子長寨等處搶渡尙留數股在

新集黃官嶺屯聚欲俟臣等官兵追剿渡過北

岸該匪再由山內衝出撲官兵後隊以爲乘間

竄渡之計

臣

明亮德楞泰途中探知賊情並知

惠齡恒瑞慶成等兩路擊剿江北可保無虞竊

計賊人志在偷渡前竄不防後擊正可因其詭

計制勝

臣

明亮德楞泰當卽繞道翻山仍分兩

路抄出賊後出其不意自上壓剿官兵將至黃

官嶺山下賊人胆敢率衆迎敵官兵分投併力
截剿殺賊三四百名賊人退向西南翻山逃竄

臣明亮德楞泰帶領馬兵趕擊追至李家集地

方適臣惠齡恒瑞慶成兩路將搶渡賊衆擊敗

俱由北岸追剿前來三面合擊復斃賊四五百
名餘匪亡命肆逸官兵分投追殺二十餘里沿
途殺斃甚多時已將暮因各路沿江營卡緊要

恐賊情詭譎將

臣

等三路官兵俱牽引南岸趁

北岸防兵不足之時別覓山僻小徑乘間偷渡

所關匪細是以將各路官兵撤回原營計是日

各路所殺賊匪二千餘名生擒一百三十五名

奪獲馬騾器械衣物無數

臣

等細心會籌各首

逆等皆籍隸襄樊南鄧等處是以總思北竄漢

江逃回本地萬一賊人竄過北岸仍由商雒一

帶奔逃致甫經安集之地復被蹂躪更覺不成
事體而當此官兵緊逼之時賊人拚命撿鋒毫
無忌憚沿江一路隘口仍須加意防備况察賊
奔竄路逕西北可達寧沔地界查寧沔以上江
流益窄偷渡益易現在臣惠齡恒瑞慶成仍由
北岸繞道抄截臣明亮德楞泰自南岸緊躡兜
截如賊人直向西南山內前竄則臣明亮德楞

泰總視首逆所在緊跟剿捕若南竄川省廣元
通江等處正可與英善等兩面夾擊

臣

惠齡一

路亦接續迎前惟當察看賊蹤相機會剿至漢
中郡城地關緊要現有漢興道文需署副將瑪
靈阿督率分防兵勇稽查周妥漢郡以下江面
柯蒞已將前設紫陽一帶防兵捲撤前進逐節
安卡並親在郡城左近往來梭巡紫陽以東下

游岸口有秦承恩王文雄督兵防範數百里江岸布置已極爲嚴密可紓

聖厪

同日秦承恩奏言查賊匪兩股闖入沔縣南鄭境內現經恒瑞慶成及明亮德楞泰惠齡會籌剿辦而後股之賊另分一股至西鄉南路攻撲漁渡營經該營署千總康士俊同臣標隨營千

總朱現章帶領兵勇分路迎擊賊賊多人賊恃
衆拚死向前康士俊朱現章奮力衝殺均受傷
陣亡兵勇亦有傷亡現經明亮派令防守江岸
之田有城槐他哈帶兵前往剿辦竊計賊匪由
白河洶陽而至漢中沿江奔走一千六百餘里
因江面大小船隻先經臣督飭員弁全數收淨
又經柯藩率同田有成王文湧等採明水淺處

所安設兵勇賊匪屢次撲至江邊俱被擊退是以思竄漢江上游將近發源之處希圖竄沒而過幸諸路大兵會集正可趁此機會四面兜圍聚而殲洗早靖逆氛惟此時近省一帶兵備空虛亟宜預籌防堵除棧道一路現據王文湧自請帶所練防守江岸之精壯鄉勇一千名同赴褒城縣雞頭關扼住北竄留壩要口臣已飭令

就近迅速前往並另派都司龔鐸酌帶兵勇前
赴五郎一路擇險防守

臣

現已商令王文雄先

行馳赴鎮安駐紮策應以安近省一帶民心但
王文雄所帶兵二千名業經明亮德楞泰調去
山東兵五百名祇存一千五百名亦覺稍單適
愛星阿帶兵二千名行抵興安若卽令馳赴漢
中計須十日方可趕到已在各路大兵之後因

囑其暫住興安北面探明信息倘賊匪竟有北

趨之勢

臣

卽酌帶兵勇與愛星阿趕赴鎮安

會同王文雄確探賊蹤由北路向西迎擊如賊

匪已在南路剿淨卽令愛星阿速赴明亮德楞

泰軍營前往四川協剿王文雄仍回陝豫交界

同日文圖奏言十一月初十日據防守長樂縣

漢陽同知木特布稟有賊匪數百名四出焚掠

滋擾請撥官兵速往剿捕伏思

臣

駐劄歸巴要

隘防堵川匪今四川之賊業經官兵嚴密圍堵

擬酌留協領喜格佐領清祿帶領滿兵四百餘

名防守水師遊擊俞國智帶兵駐劄巴東縣江

之北岸防守

臣

卽在四川湖南江西各營內抽

帶官兵四百名馳赴長樂縣會同臬司張長庚

商酌何處緊要卽帶兵前往堵剿均奏入

上命軍機大臣傳諭勒保宜綿明亮德楞泰惠齡曰
宜綿奏連日截剿分竄渠縣及永興場賊匪能以
少擊多使首逆羅其清冉文雋不能與王三槐等
竄聚一處殲賊一千七百餘名生擒九十餘名所
辦尙好宜綿著賞玉喜字牌大小荷包等費英阿
亦著賞大小荷包知縣倪鼎銓著賞給知府銜以
直隸州同知卽用典史陳啟泰著超等以知縣陞

用其餘叅將尤漢玉等俱著以應陞之缺陞用至
白岩山一路賊匪經舒亮穆克登阿等堵剿殲賊
八百餘名所辦稍可此內叅領岱德知府朱爾漢
知縣陸維基王世燾經歷張伯魁等均因殺賊受
傷甚屬出力俱著以應陞之缺陞用此時宜綿等
若能設法兜截將首逆王三槐羅其清冉文偉一
併擒獲固朕所日夕盼望卽因兵力稍單亦當遵

照節次諭旨嚴密堵截不使賊匪肆出滋擾以待
勒保明亮等剿竣楚匪會合赴川協同剿辦至白
岩山賊匪舒亮等攻圍多日總未能直搗賊巢務
當知愧知奮乘勝進攻將賊首林亮功擒獲尙可
稍贖前愆又萬縣謀逆邪匪知縣劉大經方積能
先期密訪立將首夥挈獲消息未萌不致釀成事
端其功甚大實在可嘉劉大經方積著賞給知府

銜以直隸州同知卽用又聞明亮等奏報祇係追剿竄匪分投圍擊情形殊不愜意賊匪屢次乘間奔竄皆因明亮等不能設法兜圍迅擒首逆且將黑龍江官兵留駐竹谿以致不能早到軍營合力剿辦卽摺內所稱賊情狡詐分兩股奔竄之語自係明亮等未能將賊匪逼歸一處併力圍剿一任東奔西竄是誰之咎宜綿一路兵力較單尙能以

少擊多明亮等軍營兵多將潰轉不能將首逆擒
獲一名任其竄逸實屬無能明亮德楞泰著傳旨
嚴行申飭看來明亮等亦未能得有把握必須勒
保前往督辦方可得力勒保務須倍加迅速行走
早抵軍營勿稍遲延又秦承恩奏稱愛星阿帶兵
一千五百名已抵興安囑其暫駐該處探明信息
倘賊有北趨之勢卽酌帶兵勇與愛星阿趕赴鎮

安會同王文雄迎擊等語殊屬牽混現在明亮等統領大兵已過漢中賊匪俱向西南奔竄安能復折回北岸竄至東北鎮安地方卽或有迎剿之處該撫不諳軍旅又豈能帶兵打仗此不過該撫欲將愛星阿所帶之兵留於該處防守故爲此奏竟屬虛言閱之徒亂人意奏承恩著傳旨申飭至愛星阿甫抵興安距漢中尙遠明亮等一路軍威已

極壯盛竟可無須愛星阿帶兵前往協助所有此
項官兵卽留於陝境著秦承恩柯藩酌量或該撫
有需愛星阿幫助之處卽令其幫同帶兵防堵否
則令赴柯藩田有成一路協防江岸毋令賊匪乘
間北竄所有在西鄉剿賊陣亡之千總康士俊朱
現章及四川白岩山剿賊陣亡之護軍校德克登
布藍翎長巴凌阿經制外委田增福俱著咨部加

等優卹其陣亡兵丁亦著咨部優卹

上又命軍機大臣傳諭額勒登保福寧汪新文圖曰
文圖奏長樂縣地方又有賊匪數百名因大兵遠
去四出焚掠現已酌帶官兵前往堵剿此股賊匪
是否卽係額勒登保等追剿竄回餘賊抑係該處
新起匪徒與首逆覃加耀早有勾結乘官兵遠出
之後因而四出響應以爲牽綴官兵之計汪新係

本省巡撫著卽查明覆奏文圖旣經帶兵前往尤當出其不意一鼓殲擒勿使與長陽縣餘匪合夥方爲妥善至額勒登保等追剿首逆覃加耀以一倍有餘之官兵剿窮威無路之殘賊曠日持久總未能將首逆擒獲以致長樂地方復有匪徒乘機響應皆額勒登保等遷延貽誤之咎額勒登保等務須知懼知奮卽將覃加耀生擒殲淨餘黨並將

長樂縣新起賊匪一併搜剿淨盡再赴宜綿一路
幫同剿辦若再有遲延致潛匿匪徒互相勾結額
勒登保等自思當得何罪稟之慎之

二十三日

戊子

額勒登保福寧奏言逆犯覃加耀

竄回長陽縣屬之朱里寨該處距長陽縣治百
數十里南通長樂東近宜都松滋等縣尤應趕
緊剿辦賊匪於附近朱里寨之重溪葉家壩五

鳳觀五峯嶺等處俱劄有賊卡意欲屯聚久拒

官兵前分路追賊之鎮將於初七八等日陸續

趕到

臣

等卽於初十一十三等日督令綸布

春帶同各鎮將分路節次攻擊將賊匪所劄之

重溪一帶卡座先後共燒燬十七處殺賊一百

餘名查朱里寨一山周圍五十餘里三面懸岩

峭壁下臨深溝惟東南一處與千嶺石嶺兩山

相連有一綫山徑此外懸岩之上東面之黃子
岩及西北之百岩口大垭口小岩口尙有螺旋
仄徑四處其餘更無別路臣額勒登保帶領關
騰駐營百岩口臣福寧帶領富森布駐營葉家

壩緊逼黃子岩張廷彥在五峯嶺堵截與石嶺
相對綸布春慶溥在大垭口小岩口攔堵所有
朱里寨之各要路俱已斷截臣等詢之被難民

人張煥等並稱該寨共有四十餘戶先經團集
鄉民將百岩口黃子岩千嶺各要隘築有木城
星砌石卡各家備製鎗矛等件以爲防範不料
賊匪猝從百岩口上山殺傷男婦三十餘人不
能抵禦居民四散等語是賊匪竟欲藉此險山
以爲藏身之計但爲數究係有限勢力已孤
臣
等亦斷不因山勢之險稍事遲緩尅卽整兵相

機設法竭力合剿奏入

上命軍機大臣傳諭額勒登保福寧曰賊首覃加耀
竄回長陽縣屬朱里寨額勒登保等雖將附近卡
座焚燬但殺賊無多並未擒獲首逆無能已極昨
據文圖奏長樂縣有賊匪數百名四出焚掠看來
卽係額勒登保等追剿之賊總因伊等不能堵截
任其奔逸以致到處滋擾而額勒登保等尙稱賊

匪欲藉山險以爲藏身之固尤屬藉詞支飾試思
賊匪奔竄處所何處非崇山峻嶺豈有賊人來去
自如而官兵獨不能登陟圍剿之理今乃任其負
險抗拒是誰之過額勒登保福寧所辦何事著再
傳旨嚴行申飭

二十六日辛卯恒瑞慶成奏言臣等前於漢中西

南與明亮等三路會剿後探聞敗賊復向西北

汙寧一帶奔逃

臣

等卽率領官兵覓徑抄繞於

十三日至汙邑之沮水舖探詢離賊僅數十里

恐賊知覺隨於三更帶兵起程馳往迎擊並令

帶撒拉爾回兵之都司馬鐘麒改換鄉勇旗號誘

賊並知會惠齡富成趕至汙縣迤西銅錢壩扼

截分竄之路

臣

等甫抵汙寧交界桑樹灣賊衆

正在結隊向西北狂奔一見撒拉爾回兵所執

旗號認爲本處鄉勇蜂擁直撲勢頗兇悍

臣恒

瑞帶協領德昌等自北面山梁下壓

臣

慶成帶

副將德忠等抄赴西面山梁下壓總兵觀祥副

將常格叅將馬斌接續撒拉爾回兵進攻賊衆

披靡大潰分投爬上西南山梁猶欲負險抗拒

當令總兵觀祥在對面山梁用大礮轟擊又令

副將九十德忠從傍斷截賊之去路

臣

恒瑞

成分兩路上攻擊賊甚多賊始分向西南逃入
老林高山官兵追殺翻越三重大山至昏暮收
兵扎駐此次統計殺賊一千九百餘名獲賊八
百九十五名將被裹附近民人一百餘名分交
該州縣訊明分別保釋奪獲鐵礮三位鳥鎗刀
矛七百餘件驟馬牛驢九百餘匹頭分給兵丁
撤拉爾回兵以示鼓勵所有受傷陣亡弁兵容

俟查明咨部

臣

等將活賊分別研訊據僉供首

逆數人現歸一路川北地仄山多市鎮稀少難

於覓食必欲分股衝突北竄陝楚繁富地方滋

擾姚之富與齊王氏爲一夥王廷詔高均德爲

一夥李全樊人傑爲一夥張漢潮劉永太各爲

一夥比王廷詔等人數畧少各夥輪流在前焚

掠躲避官兵奔竄遇則抗拒大賊目俱騎驟馬

佈置督陣有不向前者卽用刀矛砍刺一經官兵擊敗先卽縱馬奔馳沿路放火爲號收聚黨類等語現在敗賊南竄川陝邊界倘復折竄東北明亮德楞泰之兵由漢中分路自北而南正可迎頭截剿臣等一面酌派將弁帶兵搜捕西北一帶林箐竄散餘匪並知會惠齡查探賊蹤併力夾攻臣等卽由寧羌廣元一路兜截前進

奏入

上命軍機大臣傳諭勒保明亮德楞泰惠齡恒瑞慶成曰此次恒瑞等殲賊一千九百餘名獲賊八百九十餘名其餘俱南竄川陝邊界復知會明亮惠齡等迎頭截剿併力夾攻所辦可嘉恒瑞慶成著各賞大小荷包至摺內稱訊據獲犯供稱首逆姚之富王廷詔等分爲數股在前焚掠躲避官兵奔

竄其意不過爲牽綴官兵之計明亮等總當確探
首逆蹤跡設法兜剿將各首逆驅歸一處擒獲則
其餘夥黨自必潰散斷不可因賊匪詭言分股官
兵等亦分投追剿轉使首逆乘間脫逃致中賊匪
誘兵奸計卽或首逆等實係分股逃竄明亮等總
應視緊要首逆所在併力兜擒辦竣一股再辦一
股無難以次剿除也至賊匪抗拒官兵俱有鎗礮

屢經各路具奏此次恒瑞等奪獲器械內又有鎗
礮數十件賊匪既有火器所用火藥究自何處得
來是否係營汛火藥器械被其搶掠著各路帶兵
大員卽行查明具奏

上諭內閣曰恒瑞等奏隨征奮勇之侍衛員弁單內
三等侍衛江鼎保邦俱著陞爲二等侍衛陝西守
備馬滿海著賞給鼓勇巴圖魯名號西安協領德

昌直隸游擊德保山西都司扎隆額都司馬鍾麒
俱著賞戴花翎直隸千總陳明祝成龍把總溫起
隆撒拉爾同兵察霍哲麻烏格俱著賞戴藍翎

二十九日

甲午

觀成劉君輔奏言查轎頂山距老

木園中隔深溝一道有小路一條已被賊匪
挖斷該匪等自轎頂山經官兵奪佔之後率眾
退守老木園該處俱係陡坎懸崖復於周圍添

設石牆木卡十餘處並於一線可上之路俱堆
積木石死守抵拒自十月二十一日以後乘雪
夜嚴寒或數十人或百餘人穿溝越箐窺伺兵
勇營卡經守卡遊擊朱進廷都司沈文同等督
率兵勇施放鎗礮擊退屢有殲斃臣等籌思老
木園一帶路徑崎嶇該匪等佔據險要該卡抵
禦每於接仗之際反得以逸待勞查老木園前

面之轎頂山後面之樵風洞及小青杠垵口等處卡座俱係緊逼賊巢經_臣等飭令守卡官兵

逐日更番輪流攻撲使賊匪接應不暇以疲其

力_臣等卽於初六日五鼓親督叅將呂朝龍並

員弁兵勇等從轎頂山前進攻先令兵勇砍紮

樹枝將挖斷小路填塞我兵於危崖密箐中曲

折而行直抵老木園山脚該匪等於山脚上設

有木卡二座望見官兵猝至卽行拚命抗拒推
放插石兵勇不避危險爭先搶撲飛擲火彈當
將頭卡焚燒卽奮勇攻取二卡復經燒燬將守
卡賊匪三十餘名悉數殲斃候補守備楊廷弼
因殺賊受傷陣亡山頂賊匪卽自上堆放木石
勢甚兇猛時已天晚飭令兵勇暫爲停息復乘
夜督催將弁搶上二層巖轟斃賊匪十餘人兵

勇等正在攀援競上詎賊匪招颺白旗兩桿率
領精悍數百人從山頂鎗石並施官兵多有受
傷隨撤至半山扼要紮卡趕緊卽圖進取臣等

初意轎頂山攻克卽可迅搗賊巢而賊匪於陡
坎之上添立木卡加砌壘石更兼屢次大雪冰

凌益厚

臣

等倍增焦急當提訊連日捉獲活賊

裴之華賴仲文等供稱賊首陳崇德於老圍木

四圍木城內幫砌石墻極爲堅厚分佈男婦於
各卡日夜防守陳崇德又常向衆人說屢次與
官兵打仗就是投出也不能活不如在此死守
等候外邊同教前來救應所有衆人聽信抵死
把守當將該犯等卽行正法竊_臣等屢奉

諭旨訓飭以困守無多之賊日久未能掃平_臣等撫

心自咎一刻難安惟有竭盡心力嚴密圍圍趕

緊剿辦稍圖自贖至侍衛伊里布總兵德齡徐
昭德追剿馬家壩之賊於本月初六日探聞折
回大寧邊界逼近馬坪鹿塘溪距老木園百餘
里_臣等查平利一股竄匪前經擾至鎮坪當卽
抽撥兵勇於一碗泉雞心嶺等處協同本處鄉
勇設卡堵截今該匪雖經明亮德楞泰督率重
兵追殺遠竄但恐被剿情急復行折回所有派

往兵勇仍應嚴加防範勢難遽撤茲馬家壩賊
匪又復竄回鹿塘溪馬坪一帶並聲言欲與老
本園賊匪合夥民心未免驚惶臣等相距較近
不得不再爲抽撥官兵前往堵截當經飭令千
總陳國英把總馬爾元會同大寧縣知縣鍾蓮
帶領兵丁馳赴該處添募鄉勇擇要設卡實力
堵禦奏入

上命軍機大臣傳諭勒保觀成曰觀成劉君輔國剿
老木園賊匪爲日久係困守之賊有何難辦乃
本日奏到之摺祇係攻取賊卡二處仍未佔住所
殺賊匪無多而守備楊廷弼轉致陣亡此等賊匪
卽殲斃數百人尙不足抵帶兵員弁一人况祇殺
賊數十人尤爲不值觀成等摺內猶畧顏稱老木
園陡坎懸崖賊匪周圍設卡死守抗拒所言實不

知恥試思該處賊匪圍困將及一年從何得食且
現非耕穫之時安得積存糧食該處皆係峭壁懸
崖並無土山又非可以耕種之地白因觀成等圍
守不嚴或有同教黨與暗中接濟或係賊匪四出
搶掠得以苟延所奏情節多有不實此一節並著
勒保嚴查據實叅奏觀成等惟知一味坐守曠日
持久無能已極此時官兵已逼近賊巢務須奮勇

進攻速擒賊首陳崇德不可徒托空言遲延干咎
其楊廷弼一員著咨部加等議卹

欽定剿平三省邪匪方略正編卷五十八

丁巳年

十二月初二日

丁酉

明亮德楞泰惠齡恒瑞慶成

奏言賊匪自在漢中新街子長寨黃官嶺等處

被官兵分投截殺向西南山內逃遁

臣

等當卽

分路兜剿該匪竄至新集地方復分前後兩隊

奔逃前隊係高均德一股經

臣

恒瑞慶成在桑

樹灣擊退後折回燕兒溝胡家壩一路東竄後

隊係首逆齊王氏李全姚之富王廷詔張漢潮
等數股經臣明亮德楞泰跟蹤兜擊十四日探

知該匪尙在唐家壩屯紮遂酌派步兵分布各

山親率興肇賽冲阿阿哈保達音泰長春木騰

額侍衛阿納保富僧德等帶領馬兵直前撲剿

斃賊二三百名該匪肆行衝突復經步兵圍擊

奮勇攪殺其時臣惠齡正由銅錢壩馳赴青羊

驛堵剿途中聞鎗礮聲卽率兵向南迎剿沿途
殲獲竄匪數十名帶領馬隊趕至唐家壩併力
剿殺該匪益形情急卽竄上山頂將漫山枯草
木植分燃思拒官兵以便卽從山後竄走官兵
衝冒烟焰一湧而上追殺十餘里復斃賊百餘

名

臣

惠齡因恐該匪竄及江岸仍帶兵抄回青

羊驛堦截

臣

明亮德楞泰乘勝由涼垭子鐵鎖

關一路緊追十八日至離寧羗州治二十里之

羅村壩地方賊匪正在焚掠勢將進逼州城

臣

明亮卽同興肇賽冲阿侍衛達爾精阿等搶上

右手露風埡山梁

臣

德楞泰同阿哈保侍衛墨

爾歡保等搶上左手楊岩頂山梁該匪反身迎

敵

臣

明亮德額泰飭步兵排列於前將大礮鎗

手排設於後暗令各兵誘賊匪結隊撲近然後

前列步兵閃開鎗礮並發該匪竟愍不畏死蜂擁來撲離前列步兵一箭之地我兵分閃兩旁立將鎗礮施放匪衆猝不及避擊斃無數後隊賊人正欲退走臣明亮德楞泰復率同遊擊蒲尙佐蕭福祿守備馬應國帶領滿漢屯土撒拉爾官兵壓下賽冲阿率同協領明保等帶領吉林馬隊往來擊射殲戮尤多又附近羅村壩之

楊家山有避難男婦一千餘名楊岩洞有避難男婦二千餘名賊人分股在彼掠取糧食擄脅民人當派副將劉廷基遊擊達自祥都司應元寬等分往衝擊派知府嚴士鉉州同徐如灝等分往收卹賊人見官兵馳至慌忙潰散全活男婦三千餘人適_臣惠齡由北面抄截前來_臣恒瑞慶成因追擊桑樹灣敗竄之賊取道寧羌亦

卽帶兵趕到併力夾攻官兵歡呼奮勇該匪奪

路亂竄

臣

明亮德楞泰由寧羌城東北古城一

路追擊跟剿三十餘里前至二郎壩

臣

惠齡恒

瑞慶成由寧羌西南高寨子一路追擊跟剿二

十餘里復殺獲二三百人一面令遊擊馬瑜至

州城安撫計此次打仗殺賊一千五六百名生

擒頭目石貴等五名餘匪李元德等二百餘名

齊王氏甥女許女子一口持械女賊魯何氏等
十三口其餘婦女張吳氏等一百二十三口幼
孩七十九名口均經分別辦理該匪由二郎壩
西流河折向東北仍合一處飛遁官兵追至三
更暫行駐紮查二郎壩東北卽爲楊家河向北
可至新集又離漢中不遠審訊獲犯據供各首
犯總要渡過漢江往河南去前在漢中被官兵

打敗各頭人商量要進攻寧羗州擄掠衣食就
往廣元將棧道擋住使川陝兩省大路隔斷官
兵信息不通彼時或在四川或由寶雞等處北
去今又被官兵截住各頭人仍由原路折回要
趕上高均德一股同回漢中趁官兵都在西面
正好由漢中過江等語臣等若合兵追擊反恐
逼令前竄江岸是以臣明亮德楞泰仍由鐵鎖

關一路向東兜截

臣

惠齡趕赴沔縣北岸向南

迎剿飛咨烏爾圖那遜圖桑阿等帶領索倫勁

旅自漢中相機前進或在南岸迎擊或由北岸

截殺併知會柯藩察探賊蹤沿江密堵

臣

恒瑞

慶成現奉

諭旨速赴川省協同宜綿剿賊卽於二十一日由寧

羌入川從廣元前進奏入

上命軍機大臣傳諭勒保宜綿明亮德楞泰惠齡恒
瑞慶成曰明亮等所奏情形祇在唐家壩等處攔
截賊匪殲斃一千數百名擒獲者半屬婦女並未
拏獲賊首一人實屬無能況此股賊匪卽係明亮
等在漢中一帶趕至寧羌沔縣今復由寧沔折回
漢中任其往來奔竄仍是疲我兵力明亮德楞泰
着嚴行申飭現在賊首姚之富等仍由原路折回

欲趕上高均德一股竄回漢中明亮德楞泰向東
兜截惠齡從沔縣北岸向南逆剿若能自知愧勵
上緊截殺卽將各首逆擒獲尚屬明亮等之功設
再遷延時日俟勒保到時擒獲賊首則伊等更有
何顏見朕耶再烏爾圖那遜等自竹谿前至漢中
行走多日何以至今並無信息烏爾圖那遜圖桑
阿着傳旨嚴行申飭現在賊匪旣向漢中奔竄烏

爾圖那遜等帶領黑龍江官兵自漢中前進務當
迅速行走迎頭截殺如果乘此機會將各首逆擒
獲卽係烏爾圖那遜等之功否則或與明亮等兩
面夾擊或將賊匪逼入川境合兵會剿亦俱有益
至漢中一帶江面較窄且當冬令水落之時柯藩
田有成俱在漢中並著協力嚴堵相機截殺勿令
賊匪一人偷渡至前據恒瑞等奏在沔縣交界之

桑樹灣地方將首逆高均德一股截剿俱向西南
逃入大山今明亮等摺內又稱姚之富等一股仍
由原路折回要趕上高均德一股同回漢中是高
均德股匪已先竄漢中被時明亮等自東而西正
可迎頭截殺何以摺內並未聲敘此股賊匪現在
究竟何處並著明亮等迅速覆奏

初三日

戊戌

英善奏言連日接據宜老通江儀隴

各路州縣稟報均有賊匪竄入境內並據廣元
縣稟報探得賊已竄入棧道文報間被阻隔恒
瑞慶成等已至寧羗惠齡亦在沔縣一帶緊蹙
追剿查川陝交界道路紛歧而廣元之七盤關
一帶尤關緊要臣前派叅將徐南鵬帶兵四百
名防守誠恐不敷分撥卽於現在存兵內抽派
二百名並委保寧府知府李杭隨帶鄉勇及軍

火器械馳赴協同堵禦以便恒瑞等設法圍攻
至竄入通江之賊據該縣余陳策稟報賊匪擾
至耀金山經該縣文武督率鄉勇人等悉力堵
禦殺賊四十餘名賊又竄往南江臣前已屢次

飛飭南江縣督率兵勇嚴密防守並於南江廣
元交界各隘口添派兵勇守禦至儀隴之賊去
保寧南部較近連次盤獲奸細訊稱賊匪探知

保寧兵數無多商量攻擾保寧南部一帶計圖

搶掠

臣

隨抽撥弁兵二百名馳往南部堵禦併

派知府王榮榮知州應先烈參將皂祿等多募

鄉勇於儀隴南部間中各要處分設卡隘當有

賊匪千餘人搖旗吶喊撲攻馬鞍場卡隘經該

守等督率効力武舉饒承元及該處義勇人等

奮力截殺斃賊四十四名賊匪仍由儀隴分股

竄往營山一帶該處現有四寧鎮總兵富爾賽
在彼防守臣已飛飭該鎮迎頭截殺併派撥弁

兵隨帶軍火馳往協同該縣守禦至保興朱射
斗所剿廣安一帶賊匪經該鎮等於本月十四
日追至小垵口地方殲殺數百名生擒十一名
餘賊由天池山竄往隣水縣該鎮等卽馳往撲
剿查賊匪狡獪異常探聽四處無兵卽分股竄

入滋擾

臣

惟有隨時設法派撥堵剿保護保寧

一帶地方俾附近居民不致又遭蹂躪仍一面

飛咨恒瑞慶成將寧羗一帶賊匪剿淨卽帶兵

入川商同剿辦

同日恒瑞慶成奏言

臣

等自寧羗帶兵兼程遄

行二十四日馳抵廣元縣所過川陝邊界地方

居民避賊外出者見官兵前來俱各歸業棧道

文報無阻

臣

等途次留心查探各股川匪情形

方山坪逸出賊目羅其清冉文儔現已竄往渠
縣廣安州一帶地方白岩山屯聚之賊屢撲營
卡意圖衝突逃竄夔州一股賊匪肆出焚搶該
處兵力無多剿辦尙未得手老木園屯聚之賊
亦未攻克又有自紫陽竄至川境之賊闌入通
江地方現在川省兵力甚單兼之蜀山重圍跬

步陡險軍行一日祇能三四十里是以抄繞堵截不能迅速明亮德楞泰惠齡等所帶之兵及吉林索倫兵正在陝境截剿喫緊之際不能分撤來川惟有儘在川之兵整隊合力先剿一股若一處賊匪殲滅卽得增添一路兵力我兵不受牽綴無難以次剿洗_臣等現自廣元保寧一路馳赴宜綿英善處通盤籌度設法剿辦仍沿

途探詢何股賊匪竄近先卽督兵迎頭截剿均
奏入

上命軍機大臣傳諭宜綿恒瑞慶成英善奏承恩曰
本日英善奏稱據廣元縣稟報探得賊已竄入棧
道又報間有阻隔殊深懸慮及閱恒瑞等奏稱由
寧羌廣元一路前進所過川陝邊界地方居民紛
紛歸業棧道文報無阻始爲稍慰英善之摺拜發

在恒瑞等之前自係零星賊匪曾經闖入棧道及
見官兵到彼卽行奔竄並未有成羣賊隊在棧道
內圍截滋擾而英善率據地方官稟報之辭入告
亦未卽行查辦該縣妄報不實著宜綿查叅示儆
其漢中竄匪明亮德楞泰已由鐵鎖關一路向東
兜剿惠齡等在沔縣北岸向南迎剿是陝境賊匪
俱逼向四川此時漢中一帶是否肅清再竄雜地

方係北棧要路秦承恩如何督率地方州縣妥爲
安撫及北棧有無賊匪闖入如何防範之處併著
秦承恩迅速具奏至恒瑞慶成卽可與宜綿會合
目下川省賊匪俱在渠縣廣安州及之江等處屯
聚滋擾並據英善奏儀隴營山隣水地方亦有賊
匪竄入急須搜捕宜綿務須與恒瑞慶成督率官
兵兩面夾擊將首逆王三槐等迅速擒獲併將獲

保一帶及各處賊匪以次掃除肅清地方毋再遲
緩

初六日

辛丑

額勒登保福寧奏言逆犯覃加耀與

其餘孽竄踞朱里寨屯聚

臣

等連日於有路可

通處四面分兵齊上盡力環攻並親率綸布春
及鎮將巴圖魯侍衛或於三鼓發兵或盡日疊
次攻撲凡懸巖峭壁稍可容足之路悉用軟梯

撓鈞攀援而上賊匪無計可施捨命抵拒官兵
亦奮不顧身將賊人所立卡座草棚等燒燬二
十餘處斃賊二百餘人生擒喻文書等十三名
現在官兵均已搶至朱里寨山之崖巔嶺側緊
接可以入寨之路而路逕更屬懸陡賊匪倚恃
石卡木城鎗石俱下一時未能猝上隨接擊營
卡三十餘處而_臣等目擊官兵奮力搶上岩壁

有連被賊矛陣亡者帶兵之參將孫清元都司
朱集才張超孫應奉守備姚士華劉興國千總
姚文富朱光起張永清把總秦天位各受石傷
似須畧爲慎重臣等一面用大礮轟擊賊城石
卡一面激勵將士相機進取奏入

上命軍機大臣傳諭額勒登保福寧曰額勒登保等
剿捕窮蹙無路之覃加耀曠日持久尙未就擒輒

以該處懸崖陡壁爲詞冀掩其辦理延緩之罪試
思此股賊匪本係額勒登保等由黃柏山追至芭
菜山復竄至宣恩建始巫山一帶近又竄回長陽
復從黃柏山折回佔據朱里寨即使該處山徑險
峻獨非額勒登保等驅之來往轉使賊匪得成負
隅之勢額勒登保等但知以險阻藉口豈不知賊
之據險正由額勒登保等不能相機剿所致耶

額勒登保福寧著再嚴行申飭

同日明亮德楞泰惠齡奏言

臣

等前將寧羌賊

匪擊敗後該匪復由新集黃官嶺等處折竄漢

中仍圖渡江北遁正值烏爾圖那遜圖桑阿等

帶領索倫官兵於二十一二十二日兩日全馳

抵漢中南岸二十四日該匪等乘早霧迷漫之

際由黃官嶺向長寨一路偷渡經防江兵丁探

知分投稟報

臣

明亮德楞泰已馳至南岸高臺

等

臣

惠齡已馳至北岸黃沙驛當卽督兵進擊

烏爾圖那遜圖桑阿副都統銜溫春亦帶索倫

勁旅自東迎剿柯藩帶領防江兵丁在北岸轟

打四路官兵併集其時賊人已奔到江岸淺處

搶渡烏爾圖那遜帶兵馳馬衝入江心抄殺

臣

惠齡亦自北岸渡過南岸迎擊

臣

明亮德楞泰

將官兵分爲兩隊自西而東橫衝截殺將賊匪
分爲兩截自辰至午截住賊匪一千餘人盡行
殲斃後隊賊衆卽向東南山內亡命肆竄_臣等

卽分投追擊該匪狡詐已極穿林越嶺俱向極
仄之路竄逃欲使馬隊官兵不能追擊_臣等當

派驍健步兵及屯土撒拉爾回兵進追吉林索
倫官兵亦多棄馬奔上隨剿隨進追殺三十餘

里沿途殺賊無數餘匪隨山徑曲折前竄均被

官兵從青石關梅子壩一帶逼入川省通江境

內該處係曾經蹂躪之區焚掠既空茲復闖入

勢益窮蹙正當趁此機會四面布置漸次逼剿

查此時西面廣元昭化一帶已有恒瑞慶成帶

兵四千餘名前往又有英善帶兵於保寧堵截

南面渠縣達州一帶亦有宜綿一路官兵東南

則有舒亮穆克登阿一路官兵惟東面大寧夔

巫一帶僅有觀成德齡兩路官兵

臣

惠齡現帶

兵三千五百名由西鄉太平前赴大寧夔巫一

帶密探賊蹤究剿

臣

明亮德楞泰率領原兵併

同烏爾圖那遜等帶領勁旅三千名由青石關

跟蹤擊剿至北面川陝交界處所現在賊人既

入川境離江岸已遠防江各兵毋須照前安設

業經咨照柯藩率同愛星阿田有成各領原帶
官兵共五千餘名於川北與陝省交界處所相
機堵截總兵王文雄所帶兵二千名已咨會秦
承恩於興安左近相度地勢防堵併飭該鎮暫
行駐守以備調用

同日宜綿奏言王三槐羅其清等前在渠縣所
屬地方滋擾經官兵攔截痛殲羅其清一股折

向巴州境內屯紮王三槐等一股竄至望溪一
帶因後股賊匪已被官兵截斷仍欲轉回冀圖

接應經

臣

飛飭百祥索費英阿卽於渠縣偵探

賊蹤追剿並查望溪等處路通廣安合州飛飭

保興朱射斗繞赴迎截該匪等遂從大竹一路

奔竄該處路徑叢雜先經派令副將凝德叅將

尤漢玉都司洪君得等帶領官兵於紅春壩駐

割併飭順慶守崔修紳大竹令張位中將各處
山坳小路挖斷廣募鄉勇分卡嚴堵十一月
一日賊匪分投攻撲該縣所屬之石埡口草壩
場等處隘卡張位中選帶鄉勇由千佛岩一路
趕往擊斃賊匪三百餘名匪衆未能闖入卽率
衆攻搶廣安州屬大梁城該處形勢險峻山頂
平曠現有附近居民數萬遷於山頂屯紮匪衆

冀圖搶掠爭先攻撲先經崔修紳督飭地方官
等於各隘口預行準備見賊一到卽施放滾木
插石適知州阮和署廣安汎武舉熊文炳各帶
鄉勇從大梁城左右抄出殺賊多名賊匪由樵
溪竄至岩水壩戴家場等處分股屯紮並另有
一股從觀音場一路直趨州城經阮和等繞至
燕家溪迎頭堵剿維時保興帶兵趕到分投剿

殺殲賊四百餘人生擒二十五名餘匪仍從戴
家場一路潰逃嚴訊獲犯供稱王三槐等商議
如或不能佔據廣安卽攻搶隣水當將該犯等
梟示十三日朱射斗由南部一路趕抵廣安會
合據據探報賊匪已由褒先寺翻天池山直奔
隣水保興朱射斗立督兵勇倍道前進十四十
五等日賊匪圍攻隣水城勢甚洶湧該縣楊

爲龍等督率鄉勇激勸士民協力固守並乘夜
密遣鄉勇衝破賊營燒燬木城一座賊匪暫退
旋又分爲四路砍伐長竹紮縛爲梯直逼城下
城上鎗礮並發焚燒無數斃賊四百餘名相持
兩晝夜保興朱射斗督兵趕到凝德尤漢玉等
亦從大竹紅春壩一路前來匪衆復併力迎敵
復經兩路官兵截殺又斃賊五百餘名楊爲龍

亦率鄉勇開城衝出追剿二十餘里賊匪竄至
芭蕉河一帶屯紮其羅其清一股盤踞巴州所
屬碾盤壩靈剛寺經知縣劉清約會江口巡檢
余廷勲復於初六日各帶鄉勇擊斃賊一百餘

名現飭劉清並附近州縣添募鄉勇設法圍堵

再臣接准舒亮穆克登阿知會白岩山賊匪自

十二月初二日攻撲金風觀營卡經官兵擊退

復於初六日率衆數千在小帶溪渠馬等處渡
口窺伺冀圖搶渡逃竄經舒亮穆克登阿督率
各營卡滿漢官兵分股堵剿其由楊家灘搶渡
一股業已過河經叅將文奎等剿殺三四百人
生擒賊目方正覺曾文貴二名俱於臨陣梟示
文奎及都司張永成身帶石傷兵勇間有受傷
陣亡至沿河一帶搶渡賊匪經我兵併力轟擊

相持一晝夜共計斃賊五百餘人匪衆仍卽折
回白岩山巢穴臣現在諄囑舒亮等設法進攻
以期殄滅淨盡均奏入

上命軍機大臣傳諭勒保宜綿明亮德楞泰惠齡曰
此次賊匪因官兵截剿緊急搶渡漢江經烏爾圖
那遜等帶領黑龍江官兵馳馬衝入江心抄殺而
明亮德楞泰惠齡等率領鎮將官兵分投迎擊殲

斃賊匪一千餘人追殺三十餘里賊人無路可逃
均被官兵逼入川省通江境內現在分路兜剿所
辦俱好明亮德楞泰惠齡烏爾圖那遜興肇賽中
阿阿哈保温春富成圖桑阿著各賞給玉喜字搬
指併大小荷包等件圖桑阿並著賞還侯爵仍著
明亮等將騎馬衝入江心殺賊之黑龍江官兵共
有若干名查明覆奏加恩獎賞又宜綿一路兵力

較單該督能督率各地方官鼓勵鄉勇以少擊多
辦理亦屬妥協保興朱射斗繞赴賊前迎頭兜截
殲斃賊匪亦尙出力宜綿及保興朱射斗均著賞
玉喜字搬指大小荷包等件其文武各官着查明
實在出力者咨部議敘

十四日

巳酉

宜綿奏言王三槐等自攻鄰水縣城

經官兵追剿退屯板橋場天華山一帶其後股

賊匪仍於廣安大竹境內出沒滋擾經_上飛飭

百祥索費英阿由渠縣戴家場一路躡蹤緊剿

二十日在廣安州屬踏水橋地方接仗殲戮二

百餘人該州紳士教諭鄭人康帶領鄉勇從旁

衝擊匪衆遂翻山奔潰其保興朱射斗一路官

兵由鄰水板橋場躡剿隨進二十一日前隊官

兵行抵天華山地方賊匪率衆折回迎拒我兵

搶佔天華山賊匪在上直撲經副將雷仁叅將
王清弼等督兵連環轟擊賊匪愈衆愈多圍繞
不退副將凝德等途中遙聞鎗砲緊急遂卽倍
道前進賊匪知我兵後隊已到復又分衆迎敵
經官兵分投攻剿自午至申殲戮三四百人餘
匪敗遁我兵卽暫在天華山紮營是日該縣楊
爲龍亦帶鄉勇在豐禾場一路殲賊二三百人

殺死王三槐之弟王三元併生擒賊目郭孔銘
次日保興朱射斗等正在拔營復有賊匪數千
前來攻撲我兵分爲兩路併力痛剿斃賊五六
百人生擒苟文宰等三十七名陣亡外委吳玉
羅仕春二員適百祥索費英阿趕到互相截擊
匪衆俱由九龍場一路紛竄同日併有賊匪攻
撲鄰水所屬風和場八耳灘卡隘該處係通大

竹要路先經大竹令張位中召募鄉勇會同外
委王耀龍分駐防堵其攻撲風和場一股經王
耀龍直前衝擊鄉勇領首熊光耀等繞至賊後
截殺斃賊八九十人生擒胡德裕等十三名八
耳灘一股賊匪經張位中預派領首徐文鐸等
在山溝小路埋伏俟賊過半衝出截殺該令復
率鄉勇兩面夾擊殲戮三百餘人割獻首級二

十六顆陣亡鄉勇三名受傷六名兩路餘匪亦
俱由九龍場一帶奔走惟時長壽交界之鄰水
縣屬樊家槽地方復有匪徒藉團練鄉勇爲名
陰圖接應經臣派委巡查卡隘之通判谷煊訪
實隨會同長壽令程見龍將爲首之高洪儒樊
登拔高子俸等八名一併誘拿餘黨率衆拒捕
經谷煊等鼓勵鄉勇格殺一百五六十人始行

潰散而賊匪趨官兵在天華山接仗之際業已
先分一股翻山越嶺二十一二等口由長壽縣
屬之梨家場萬順場等處闖至大路葛蘭橋傳
和場一帶焚掠勢頗洶湧汎舟馬元陞帶領兵
勇竭力堵禦身受刀傷保興朱射斗接據稟報
遂分兩路趕往兜剿二十三日朱射斗進抵葛
蘭橋卽有賊匪攔擋去路官兵殺賊四五百人

生擒王震德等一十九名其保興一路官兵繞
小路而進亦於二十四日在五百梯地方遇賊
接仗詎賊情狡詐一面率衆與官兵狼鬪一面
分股直趨長壽該縣憑河爲治並無城垣知縣
程見龍因在樊家壩查拏逆匪尙未回縣典史
草潮率勇堵禦寡不敵衆殺賊捐軀縣治遂被
焚掠查長壽上通重慶下接墊江併聞賊匪有

折竄墊江梁山一帶之信隨飛飭保興朱射斗
卽由墊江一路跟蹤追剿並派明興馳赴梁山
督同該縣方積防守而重慶爲商賈輻輳之區
卽飭百祥於鄰水一路抽兵一千名趕赴堵截
務使設法擒渠痛殲夥黨其羅其清冉文儔一
股自經劉清等率勇奮擊遂分股奔竄一股闌
入儀隴縣屬思南溪地方計有三三千人一股

竄至營山來定寺計有四五千人劉清跟蹤前進二十一日進攻來定寺賊匪率衆迎敵劉清帶領行營千總桂涵李子清投効舉人胡大成監生尹溥等直前衝殺斃賊二百餘名賊匪竄屯苦竹寺一帶詎該匪等因營山爲糧餉要路意圖乘虛掩襲遂於二十二日由駱市橋攻搶八廟場糧臺經都司羅全亮會同臺員知縣席

世綏督率兵勇擊退二十三日匪衆復至羅全亮等併力堵禦殺斃二三百名賊匪卽於小橋鄧尖山環山子一帶屯紮查營山一路僅有富爾賽帶兵七百餘名當飭索賚英阿由隣水路抽兵數百名馳回渠縣營山會同剿辦又於達州一路防兵內抽撥一千餘名交副都統七十五帶往協辦以期疏通運道再接舒亮穆克

登阿知會白岩山賊匪自初六日經官兵擊退
舒亮等於二十六日乘大霧迷漫分路進攻甫
至半山霧氣稍開賊匪哨見卽施放鎗礮我兵
鼓勇直前攻搶謝家壩賊卡賊匪率衆抵敵我
兵拋射火彈火箭富將賊卡燒燬匪衆自相潰
竄奔回白雲觀巢穴我兵乘夜攻擊未能徑上
二十七日賊匪分股攻撲西山坪等處營卡舒

亮穆克登阿分投擊斃多名又有匪衆數千復
由銅林壩楊家漢一帶搶渡經副將達桑阿督
兵堵剿匪衆急圖奪路奔逃適烏什哈達帶兵
趕到橫衝直擊自申至亥賊匪不能衝出仍由
銅林壩一帶折回撲河淹斃五百餘賊臣現諄
囑鼓勵將士趕緊攻剿

同日恒瑞英善慶成奏言臣恒瑞慶成帶兵赴

川應援由廣元前進途次探查各股賊蹤知保
寧以東巴州儀隴交界地方羅其清冉文儔等
分股滋擾距保寧郡城較近復糾約營山縣新
起教匪黎鄉約及棍徒黃道鄭正義等二千餘
人勢頗鴟張英善所帶弁兵陸續撥往接應保
興等外現在實屬力單是以臣恒瑞等兼程遄
行馳抵保郡與臣英善會商卽帶兵自保寧探

覓捷徑抄往儀隴等處賊前進剿

臣

英善帶兵

回大道策應至廣元接連陝省棧道爲入川門
戶已陸續派往兵一千四百名交叅將徐南鵬
帶領在彼扼要防堵均奏入

上命軍機大臣傳諭勒保宜綿恒瑞英善慶成曰此
次王三槐等分股滋擾宜綿派令各路官兵截殺
賊匪二千餘名所辦尙好惟長壽縣治因無城垣

可守賊匪猝至該縣程見龍因在樊家墳地方查
拏逆匪經典史章潮率勇堵禦寡不敵衆殺賊捐
軀白應與在天華山殺賊陣亡之外委吳玉額外
外委羅仕春一併咨部加等優卹其傷亡鄉勇亦
著加倍賞卹通判谷煊等如果始終出力均著咨
部議敘至羅其清再文儔爲首一股賊匪竄至儀
隴營山渠縣地方現有索費英阿會同富爾賽在

彼截剿該鎮等亦當設法堵截况恒瑞慶成已由
保寧抄往正可兩面夾擊且保寧郡城一帶亦關
緊要英善自應在該處扼要地方駐劄策應併可
兼顧廣元棧道今英善又帶兵前進仍當隨時留
心爲要至賊匪擾至長壽距重慶一百五十餘里
重慶爲水陸通衢地方富庶設爲賊匪闖入殊有
關係勒保抵川境後自應沿途察探賊匪消息何

處緊要卽往該處截剿該督自南而北若能將滋擾長壽股匪殲擒淨盡卽入川之第一功也